



## PAAGA FAALEAOGA

# SE'I FAI A TA MEAAOGA

O le a'oa'oina o meaaoga i le aiga e mafai lea ona fesoasoani i le fanau faapea fo'i matua ina ia latou a'afia i aoga a le fanau. Afai o le a faaalua e matua lo latou naunau i meaaoga a le fanau, o se lesona taua lea e faaali atu ai le matagofie o le a'oa'oina ma le taua o le taumafai.

O fanau e tele atu meaaoga e fai i le tele o taimi, e lelei fo'i i le aoga. Afai lava e si'itia le fanau i vasega maualuluga, e faapena fo'i ona taua le faaauau o le a'oa'oina o meaaoga ina ia mauaai se lumana'i manuia.

E tele ni mafua'aga e ala ai ona faamalosiā e faiaoga ona faia meaaoga i le aiga. E mafai lea ona fesoasoani i le fanau ina ia toe faata'ita'i ma toe faamanatu ai lesona sa a'oa'oina i le aoga.

- sauni mo le aso aoga e soso'o ai
- faaoga nisi tusi e maua i le faletusi e i ai encyclopedias mo le malamalama lautele
- a'oa'o nisi lesona sa le'i maua se taimi i le aoga e a'oa'o ai

O le a'oa'oina o meaaoga i le aiga e mafai ai e le fanau ona a'oa'o ai le amio lelei ma le tusa'afia. E mafai ona a'oa'o ai le fanau ina ia mafai ona galue le faalagolago i le isi tagata ma faamalosiā ai le amio lelei ma le tiute tau'ave a le tagata lava ia.

# E FA NI AUALA E MAFAI AI ONA E FESOASOANI I LOU ALO I LE FAIA O ANA MEAAOGA

1. la faailoa i lou alo lou naunau i aoaoga faapea fo'i le taua o le faia o meaaoga. E faatupuina le naunau ma le to'aga o le fanau e fai a latou meaaoga pe afai latou te talitonu i le faatāuaina e matua le faia lea o a latou meaaoga le aiga.

- la saili lelei se taimi maganoa e fai ai meaaoga a le fanau. O le taimi lelei lava ole taimi lea e avanoa faatasi ai matua faapea le fanau aoga.

- la saili lelei se nofoaga o le fale e to'afilemu toe malamalama. E lelei pe a i ai se laulau. O le laulau 'ai poo se tulimanu o le potu nofonofo e talafeagai pe lelei fo'i.

- la fesoasoani i lou alo ina ia tāpe le televise ma ia aua nei faia ni telefoni i taimi e fai ai meaaoga. Afai e laititi se nofoaga o e alaala ai , pe to'atele fo'i lou 'auaiga ma pisapisaō, ia taumafai e tofu le tagata ma sana galuega e fai. Afai e i ai se tamaititi la'ititi o lou aiga, e tatau ona ave i fafo e faata'alo ai pe 'ave fo'i i se isi potu avanoa.



- la saili uma ni mea e faaaogā i le aoga a lou alo e pei o pepa, tusi, penitala ma nisi uma mea faapena. la faailoa i le faiaoga, faufautua a le vasega, poo le puleaoga fo'i pe a fai e mana'omia se fesoasoani i le saili-iliga po'o le ta'apenapenaga o ia mea uma.

- la fai se faata'ita'iga lelei i lou alo i lou to'aga lea e faitau tusi ma tusitusi. E silafia e lou alo o galuega e faia e matua o galuega tāua ia. la faamalosiā galuega e uuna'i ai le a'oa'oina o le fanau. la fai se savalivaliga ma le fanau i le tou vai'a'ai, po'o se tou malaga i le zoo po'o le uuna'i fo'i galuega i le

fale e mafai ona faailoa ai le matāfaioi po'o le tiute tau'ave a le tagata lava ia.

- la lua faitau tusi ma lou alo laititi. O se tasi lea o auala e mafai ai ona faatupuina le faailoa e lou alo faitau faapea fo'i le aoaoina o le gagana. O le a avea lea ma faavae e faatumauina ai le fia faitau tusi o lou alo mo se taimi umi lava.



- la lua asi-asi ma lou alo i le faletusi ma ia

uuna'i lou alo e faanoi mai ni tusi e aoga i le faiga o ana meaaoga i le fale. la lua talatalanoa e uiga i le aoga faapea fo'i meaaoga. E tatau ona e auai faatasi i fonotaga faaleaoaoga e i ai faalāpotopotoga faalematua faapea fo'i ma ta'aloga a le aoga.


2. la siaki lelei meaaoga a lou alo. O le va'aiga o le faiga o meaaoga a lou alo e fuafua lea i lona matua, o lona to'aga lea e fai ana meaaoga e aunoa ma se fesoasoani a se isi tagata ae maise fo'i lona tomai i le aoga.

- la fesili pe i ai se mea o faamoemoe i ai le faiaoga. I le amataga o le tausaga aoga, ia fesilisili i le faiaoga poo a ni mea e ao ona saunia e matua mo meaaoga a le fanau. O nisi faiaoga e mana'omia asoani a matua ina ia mae'a meaaoga a le fanau. A'o nisi faiaoga, e mana'omia le siaki lelei e matua meaaoga a le fanau ma faasino se tali ua faaletonu.

- la siaki meaaoga a le fanau i le taimi e amata ai faapea fo'i le taimi e faamuta ai. Afai e te le o i ai i le fale i le taimi e faamuta ai meaaoga a lou alo, tagataga'i i ai pe a e taunuu i le fale.

- la vaavaai lelei lou alo ina ne'i tele le mata-mata i le televise po'o le a'afia fo'i i nisi galuega. I le tele o aiga, e vave ona mae'a meaaoga a le fanau pe afai e le tele se taimi e matamata ai i le televise. la fuafua lelei taimi e faaavanoa mo aoga pese fa'alelotu po'o pasiketipolo. Afai o lo'o i ai se faaletonu

i le faiga o meaaoga a lou alo ona o tuatua-gia o lo'o ta'uai luga. Ua tatau loa ona fai o se i si fuafuaga.



fo'i ni faitioga lelei i lou alo pe a fai e le i tau-mafai o ia i le mea e gata ai lona tomai ina ia mafai ona alu alu i luma lona taumafai.

### 3. Ia ia i se ta'iala. O se fautuaga i lou fesoasoani

lea i meaaoga a le fanau, "Aua e te faia meaaoga a lou alo, ae ia u'una'i pea lou alo e fai e ia ana lava meaaoga." O nisi nei o mea e tatau ona e faia ina ia avatu ai se ta'iala:

- Ia sa'ili lelei poo le a se auala lelei e faafaigofie ai e lou alo ona malamalama i se mata'upu. E pei o se faata'ita'iga, afai e vave ona malamalama lou alo e ala i lana va'ai, ia tusi se ata poo se chart e faafaigofie ai ona faamatala e ia le mataupu o lo'o su'e-su'eina. Ae afai e vave lona iloa pe afai e faaogā ona lima e pei o se faata'ita'iga, a tipi le apu i ni vaega se fa, e avea lea ma mea e faafaigofie ai ona iloa e ia vaegamea. Afai e te le o mautinoa le auala vave e malamalama ai lou alo, amata nei loa ona e mata'i ma mātāu lou alo. Afai e te le o mautinoa, ona fesili lea i le faiaoga.
- Ia faamasani le fanau i le faiga o meaaoga i aso ta'itasi. Ia lava le taimi mo meaaoga ma ia faata'ita'i e fai lava e ia ana su'ega i le fale a'o le'i faia ana su'ega i le aoga. Afai o loo i ai sana ripoti o le a fai, ia faamalosi lou alo e faaogā le faletusi.
- Ia talatalanoa i lou alo i ana meaaoga ma fesilisili i ai. O le a mafai lea ona fesoasoani i lou alo ae maise lava pe a fa'apea o se galuega telē e pei o se ripoti. E faigofie lava pe a vaevae i ni vaega laiti ina ia faafaigofie ai ona galue'ina. E pei o se fa'ata'ita'iga, ia e fesili i lou alo pe malamalama i ana meaaoga ae pe mana'omia fo'i se fesoasoani. Ia siaki lelei ana meaaoga po'o malamalama lou alo i ana tali ae pe talafeagai fo'i ma fesili.
- Ia faamalō i lou alo. So'o se tagata lava e fiafia pe a avatu i ai se faamalō i galuega lelei ua latou faia. E le gata i lea, ia avatu

### 4. Ia talatalanoa i se tagata i le aoga pe afai eiai se faafitauli e aliali mai. Afai e i ai se faafitauli i meaaoga, e tatau lava ona galulue faatasi tagata uma ina ia fo'ia lea faafitauli e i ai —le aoga, faiaoga, mātua ma le fanau.

- Ia fai se lua fonotaga ma le faiaoga. E pei o se faata'ita'iga, ia faailoa atui le faiaoga pe afai ua lē faia meaaoga a lou alo, poo le lē malamalama lea o lou alo poo oe fo'i i le faiga o meaaoga, poo lou le mafai lea ona fesoasoani i le faatulagaina o meaaoga a lou alo.
- Ia e talitonu o le aoga ma faiaoga o loo nau-nau lea ina ia fesoasoani ia te oe ma lou alo. Ia maua le galulue faatasi ina ia fo'ia ai ni faafitauli e aliali mai i le faiga lea o meaaoga a lou alo. O faafitauli eseese e tofua lava ma le auala e fo'ia ai. O se faata'ita'iga:
- E i ai se faafitauli a lou alo i le faia lea o ana meaaoga ina ia tala feagai ma le taimi ua faatulagaina e uma ai? Afai e i ai, masalo e i ai se tulaga faaletonu e pei o le lē masani e fai meaaoga i le taimi e tatau ai poo le faasoasoina lea o le taimi e tatau ai ona fai meaaoga.
- E faigatā tele meaaoga? Faamata e mana'omia e lou alo se fesoasoani faapitoa mai le faiaoga poo se isi e i ai le tomai i le mataupu o loo a'oa'oina?
- Afai ua augatā lou alo e fai ana meaaoga, atonu ua faigofie tele meaaoga i lou alo, ma e mana'omia se lu'itau fou. Poo le saili fo'i o se isi auala fou e faafaigofie ai ona malamalama ai lou alo. Ia manatua, o nisi meaaoga e faalefiafia ai le fanau. O le tele o faiaoga, e naunau e avatu meaaoga o loo fiafia ai le fanau ina ia mae'a lelei e aunoa ma se faafitauli. E mafai fo'i e matua ona faaali atu ni atugaluga i faiaoga pe a tula'i mai se faafitauli.
- Ia siaki lelei i le faiaoga faapea fo'i lou alo ina ia mautinoa o loo lelei uma nei fuafuaga.

# LISI O MEA E MAFAI AI ONA E FESOASOANI I LOU ALO I LE FAIGA O ANA MEAAOGA

## Ia e mautinoau ia ia i mea ia a lou alo



- Ia ia i se nofoaga to'afilemu ma ia malamalama
- Ia i ai se taimi lelei o le aso e faaavanoaina e fai ai meaaoga a lou alo.
- O mea e fai ai meaaoga e pei o pepa, penitala, peniutu, maaka, ma se lula.

## O ni fesili e mafai ona e fesiligia ai lou alo

- E i ai ni au meaaoga mo lenei aso?
- E te malamalama i le faiga o au meaaoga? (Afai e leai, e fautuaina le faafesootai o le aoga poo se isi foi tamaititi o le vasega.)
- O le a le taimi e tatau ai ona mae'a au meaaoga?
- E te mana'omia se fesoasoani e pei o le alu i le faletusi poo le fiamaua fo'i ose computer?
- E te mana'omia nisi mea e fai ai au meaaoga e pei o pepa kalafa poo ni pepa tetele fo'i e tusi ai poster?
- Ua amata ona fai au meaaoga mo le aso? Ua uma?
- O le a le umi o fuafuaina e faamuta ai lau pepa poo se project faasaieni?
- Afai o se galuega e mana'omia se taimi umi e

faa'taunu'u ai faamata e faigofie ona vaevae inivāega 'ese'ese ina ia fa'afaigofie ai ona galueina?

- Faamata e aoga ona fai o se suega faata'ita'i?

## O nisi auala e mafai ai ona e fesoasoani

- Ia vaai lelei meaaoga a lou alo, aeua e te faia ana meaaoga!
- Ia lua fesoota'i ma faiaoga i le amataga o le tausaga ma su'esu'e i faatulalaga ma tualumaga o le faia o meaaoga.
- Ia e toe taga'i i manatu o le faiaoga o loo tusia i lalo e uiga i meaaoga a lou alo ma ia lua talatalanoa lelei i ai.
- Ia e tagataga'i lelei i le alumaga o aoga a lou alo ma ia e taumafai e saili se auala e faafaigofie ai ia te ia ona malamalama e pei o le faaogaina lea o visual aids poo le faitau leo tele fo'i o ana meaaoga.
- Ia faafesoota'i atu le faiaoga pe afai e i ai se faafitauli e le mafai ona fo'ia i le faiga lea o meaaoga a lou alo.
- Ia faamalō i lou alo i ana galuega lelei uma.

Resources: This information was taken from *Your Child With Homework*, one of a number of publications for parents published by the U.S. Department of Education. To find out what's available and how to order, request a free Consumer Information Catalog from the Consumer Information Catalog, Pueblo, Colorado 81009.

Please feel free to reproduce this information.

U.S. Department of Education  
Richard W. Riley  
Secretary

Office of Educational Research and Improvement  
Sharon P. Robinson  
Assistant Secretary

Office of Reform Assistance and Dissemination  
Ronald W. Cartwright  
Acting Director

ORAD 96-1212